

KJKP "RAD" d.o.o. SARAJEVO

-DIREKTOR-

Broj: 05-03-04- /19

Sarajevo, 22.07.2019. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor donosi

ODLUKU

o odabiru najpovoljnijeg ponuđača za nabavku rezervnih dijelova za Mercedes Benz

I

Kao najpovoljnijeg ponuđača za nabavku rezervnih dijelova za Mercedes Benz, odabiram ponudu ponuđača „AUTOELEKTRA“ d.o.o. Sarajevo.

OBRAZLOŽENJE

KJKP "RAD" je dana 26.04.2019. godine na portalu javnih nabavki BiH objavilo Obavještenje o nabavci kroz otvoreni postupak sa međunarodnom objavom obavještenja za izbor najpovoljnijeg ponuđača za nabavku rezervnih dijelova za Mercedes Benz, sa rokom dostave ponuda do 13.06.2019. godine.

Po otvorenom postupku za nabavku pristigle su tri (3) ponude i to ponude ponuđača „AUTOELEKTRA“ d.o.o. Sarajevo, „SINHRON“ d.o.o. Sarajevo i „INTER AUTO“ d.o.o. Sarajevo.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila sljedeće:

- Ponuđač „AUTOELEKTRA“ d.o.o. Sarajevo je u Specifikaciji koja je sastavni dio tenderske dokumentacije napravio greške u izračunu cijena i to tako da postoji razlika između jediničnih cijena i ukupnog iznosa koji se dobije množenjem jediničnih cijena i količina. Dana 15.07.2019. godine Ugovorni organ je od ponuđača zahtjevao pismeno odobrenje da ispravku računskih grešaka koje su čisto aritmetičke prirode. Naime, Ugovorni organ može ispraviti bilo koju grešku u ponudi koja je čisto aritmetičke prirode ako je ponuđač to odobrio. Ponuđač „AUTOELEKTRA“ d.o.o. Sarajevo je dana 16.07.2019. godine dostavio Saglasnost za ispravku računskih grešaka u potpunosti i bez primjedbi.

Komisija je utvrdila da su ponude svih ponuđača potpuno prihvatljive budući da su ponuđači dostavili svu zahtjevanu dokumentaciju.

Cijeneći činjenice koje je Komisija imala u vidu pri odabiru najpovoljnije ponude Komisija je utvrdila rang listu ponuda koje su ocijenjene kao potpune i prihvatljive prema kriteriju objavljenom u tenderskoj dokumentaciji.

Rang lista ponuđača:

1. "SINHRON" d.o.o. Sarajevo
Cijena (6.487.494,86 KM)

2. "AUTOELEKTRA" d.o.o. Sarajevo
Cijena (6.642.930,00 KM)

3. "INTER AUTO" d.o.o. Sarajevo
Cijena (7.446.055,48 KM)

Obzirom da se radi o otvorenom postupku javne nabavke kojim je previđeno sklapanje Okvirnog sporazuma sa jednim ponuđačem a da je broj prihvatljivih ponuda tri (3), cijeneći budžet ugovornog organa određen za nabavku predmeta javne nabavke od strane Komisije utvrđeno je da je zadovoljena stvarna konkurencija i daje preporuku Ugovornom organu da provede E-aukciju dana 22.07.2019. godine, u skladu sa informacijama o procesu E-aukcije datim u Tenderskoj dokumentaciji.

Ugovorni organ je dana 19.07.2019. godine zakazao E-aukciju za dan 22.07.2019. godine. Nakon provedene E-aukcije, utvrđena je konačna rang lista ponuđača a u skladu sa Izvještajem o toku i završetku E-aukcije.

Konačna rang lista ponuđača:

1. "AUTOELEKTRA" d.o.o. Sarajevo
Cijena (5.353.232,41 KM)

2. "SINHRON" d.o.o. Sarajevo
Cijena (5.644.120,53 KM)

3. "INTER AUTO" d.o.o. Sarajevo
Cijena (7.446.055,48 KM)

Komisija, u skladu sa istom, obzirom da je kriterij za dodjelu ugovora bio najniža cijena predlaže Ugovornom organu da ponudu ponuđača „AUTOELEKTRA“ d.o.o. Sarajevo prihvati kao najpovoljniju, budući da je dostavio svu potrebnu dokumentaciju i ponudio ukupnu cijenu od 5.353.232,41 KM bez uračunatog PDV-a.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP "RAD" d.o.o. Sarajevo, u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka

**v.d.DIREKTOR KJKP „RAD“
Vera Arnautović, dipl. pravnik**

DOSTAVITI:

- Ponuđačima;
- a/a